



OPĆINSKI NAČELNIK

MUNICIPALITY MAYOR

Broj: 09-14-2993/17

Velika Kladuša, 11.01.2018. godine

Na osnovu člana 69. stav 2. tačka e) i stav 3. Zakona o javnim nabavkama BiH („Službeni glasnik BiH“, broj: 39/14), člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu, broj: 09-14-2993/17 "Otvoreni postupak za nabavku radova izgradnje pomoćnih objekata, garaža i parking mjesta, Velika Kladuša", od 05.12.2017. godine i Obavještenja o javnoj nabavci objavljenog na stranicama Agencije za javne nabavke BIH, broj: 299-1-3-71-3-26/17, od 11.12.2017. godine, Općinski načelnik Općine Velika Kladuša, u ime Ugovornog organa, donio je slijedeću

O D L U K U **o dodjeli Ugovora**

1. Ponuda Ponuđača „**JKUP Komunalije**“ d.o.o. Velika Kladuša proglašava se najpovoljnijom, te se imenovanom Ponuđaču dodjeljuje Ugovor za radove izgradnje pomoćnih objekata, garaža i parking mjesta u Velikoj Kladuši.
2. Po pravosnažnosti ove Odluke, Ugovorni organ će pozvati izabranog Ponuđača radi zaključivanja Ugovora kojim će se regulisati međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O b r a z l o ž e n j e

Na osnovu Obavještenja o nabavci, broj: 299-1-3-71-3-26/17, objavljenog na stranici Agencije za JN dana 11.12.2017. godine i provedenog otvorenog postupka prikupljanja ponuda za javnu nabavku "Otvoreni postupak za nabavku radova izgradnje pomoćnih objekata, garaža i parking mjesta, Velika Kladuša", prema specifikaciji navedenoj u tenderskoj dokumentaciji, proveden je postupak prikupljanja ponuda, analize i ocjene ponuda, kojom prilikom je utvrđeno da se na predmetno Obavještenje prijavio samo jedan ponuđač, i to „JKUP „Komunalije“ d.o.o. Velika Kladuša.

Analizom prispjele Ponude, primjenom kriterija „ekonomski najpovoljnija ponuda“, Komisija je Izvještajem, broj: 09-14-2993/17, od 10.01.2018. godine, utvrdila rang listu, shodno kojoj ponuda Ponuđača „JKUP Komunalije“ d.o.o. Velika Kladuša, sa cijenom od 299.546,00 KM, bez PDV-a, u ekonomskom i tehničkom smislu u potpunosti zadovoljava zahtjeve Ugovornog organa, pa je shodno tome data preporuka da se donese Odluka o dodjeli Ugovora navedenom Ponuđaču.

Cijeneći navedeno odlučeno je kao u dispozitivu ove Odluke.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele Ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.

Obradivač:
Denis Pajzetović

Kontrolisao:
Senad Okanović

DOSTAVLJENO:

1. Svim učesnicima postupka,
2. Komisiji za nabavke,
3. U spis,
4. A/a.

OPĆINSKI NAČELNIK
Fikret Abdić, dipl.ing.

